

**EVANGE=||LIA || QVAE CONSVETO || MORE DOMINICIS ET ||  
alijs Festis diebus in Eccle-||sia leguntur**

**Aemilius, Georg**

**COLONIAE, 1555**

In Festo Assumptionis Mariae Virginis. Evangelium Lvcae X. Cap.

---

[urn:nbn:de:hbz:466:1-69317](#)

## FESTIVALIA

Perdiderit formam ceu passa morte priorem,  
Postmodò prorumpet culmo florente, suoq;  
Tempore profiliens specie meliore resurget,  
Multiplicemq; feret largo cum fœnore fructum.  
Quisquis amat stulto mundanam pectore uitam,  
Non retinebit eam, sed tristi funere perdet.  
At quicunq; odio uitam me propter habebit,  
Illa per perpetuò saluus retinebit in euo.  
Siue hic perdiderit, spacio meliore resumet.  
Si quis erit seruire mihi cui corde sedebit,  
Verbis & factis me sedulus ille sequatur,  
Atq; omni studio peragens mea iussa capessat:  
Sic meus optata fiet ratione minister,  
Auerteret & tandem condigni præmia serui.  
Me quicunq; locus Regni cœlestis habebit,  
Ille meos etiam teneat curabo ministros,  
Ut parili mecum sint conditione beati:  
Et quicunq; mihi uero seruabit amore,  
Hunc meus æterno Pater exornabit honore,  
Mercedemq; feret post tempora fluxa perennem.

IN FESTO ASSVMPTIONIS MARIAE VIRGINIS.  
**EVANGELIVM LVCAE X. CAP.**

ARGUMENTVM.

Sollicita est multo dum sedula Martha labore,  
Incumbit uerbo tota Maria Dei,

Dum

EVANGELIA

**D**um peregrinatur Iudeis Christus in omni,  
Et uarias urbes, pagos, atq; oppida iustra.  
Tradendi studio diuini oracula uerbi,  
Contigit ut uici cuiusdam parua subiret  
Moenia, ubi hospicio noctis frueretur amico,  
Nam declivis erat uicino uestigio Phœbus.  
**H**ic quædam mulier, Martham dixere propinq;  
Ciuis erat, Dominum que sub sua tecta recepit,  
Hospicium præbens illi socijsq; benignum.  
Multæ super uirtute uiri, que fama ferebat,  
Audierat siquidem, dudumq; optauerat illum  
Cernere præsentem, uocemq; haurire loquenit,  
Propterea gauisa fuit uenisse, receptum  
Aedibus inq; suis omni tractabat honore:  
**H**uic germana fuit, Mariæ que nomen habebat,  
Dissimili planè ingenio studioq; sororis,  
Quippe minus curans ciuilia munera uitæ,  
Religionis erat studio plus dedita sacro,  
Voluebatq; pios noctuq; dieq; libellos:  
**H**ec illi requies, hæc sola & summa uoluptu.  
Hoc etiam factis Christo præsente probavit.  
Nam cum sollicito foret anxia Martha labore,  
Discurrens hinc inde domo, faciendaq; curans,  
**A**ntè pedes Domini cælestia iussa docentis

## FESTIVALIA.

Illa sedens magno uerbum auscultabat amore,  
Intentumq; animum cum lumine semper habebat  
In uultum uocemq; Dei tam sancta loquentis:  
Hunc amat, hunc unum cura complebitur omni,  
Atq; sibi talem gaudet cecidisse Magistrum,  
Multus rogans, & multa ferens audita uicissim  
Sensibus haec imis, res est quia summa, reponit:  
At soror interea magno distracta labore  
Martha fuit, totumq; domum irrequia pererrat,  
Plurima perficiens, famulis & plurima mandans,  
Scilicet ut possit domino seruire fideli  
Officio, partes animum diuertit in omnes  
Sedula, nunc poculis, dapibus nunc illa parandis  
Incumbit, nullumq; fugit distenta labore.  
Ergo uidens segni germanam corde sedentem  
Non tulit, & Christum compellans talibus inquit:  
Optime nonne uides, quanto sudore, magister  
Aedibus inuigilem, faciendaq; singula curem,  
Et soror interea nullis sedet anxia rebus,  
Aspicis & pateris, ut me sic illa relinquas  
Nullius in partem ueniatq; ignava laboris;  
Ergo precor facias, ut non tibi sola ministrem,  
Atq; illam iubeas aliqua me in parte iuuare,  
Munera sic melius iuncte curabimus ambo,

S Ad

E V A N G E L I A

Ad cunctos ego sufficio non sola labore.  
Rettulit hic dominus leni sermone uicissim:  
Sollicita es nimium, nimium te Martha fatigis:  
Desine, nec tantis miseram te distrahe curis:  
Omnibus his unum magis est, mihi crede, noli  
Quod curare quidem studio maiore decebat,  
Scilicet æterni mysteria discere uerbi,  
A quo uita, salus hominum, bona ueraq; penden.  
At Maria elegit meliorem prouida partem,  
Hæc illi nunquam perdenti ablata feretur,  
Perpetuos uiuens sed eam retinebit in annos,  
Aeternæq; bonis uitæ saluata fruetur.  
Hæc ubi reddiderat, uocem suspendit Iesu.

EPISTOLA EIVSDEM FESTI.

Ex Ecclesiasti. Cap. XXIIII.

(EGO FLOS CAMP.)

Flos ego sum suauē de se qui prebet odorem,  
Vitiferi qualis palmitis esse solet.  
Germine de nostro fructus nascuntur honesti,  
Deficit & nullo copia larga die.  
Huc igitur qui me cupitis, properanter adeatis,  
Fructibus ad plenum uos satiate meis.  
Dulcior Hyblæo resonat mea Concio melle,  
Et superant ipsos munera nostra favos.

Dicitus